

منار يعني من حد ما بنولدوا يعني من سن 3 شهور لحديث ال21 سنة بتكون البلدية مسؤولة عن المواصلات فبعد ال21 بتوجهوا للشؤون فبتسير الشؤون هي المسؤولة على هذا الاشى فالحقوق سفر انا ما بيعينني هالشك اللي بيعطوني إياه لا بقدم ولا بأخر احنا بنودي احنا بنجيب كنت قبل رابطة مع شوفير يجيها لباب الأسباط حتى كنا احنا ندفع شك المواصلات اكثر وندفع ضريبة عاشك يعني راحت ما راحت متفقة مع الشوفير انو اعطيه 1400 شيكل ازا تأخرت عليه طبعاً بدو يروح متفقة انا وإياه باب الاسباط مرات يقلي انزلي تحت منار يكون صعب كتير تمشي منار اليوم عندها مشكلة بالمشي عندها دوالي اجرها بوجعها لما بتمشي بتتعب لما بتمشي بتنهت اليوم منار كبرت مش زي قبل البلدية كانت تيجي عند السبيس وتستننى ما كان عندها مشكلة بس اليوم لما الشؤون بتصير مسؤولة عنها بعد ما تصير 21 هون كتير مشكلة يعني كتير بنعاني مع المواصلات قعدنا خمس سنين الله يعلم فينا يعني دائماً نجيبها بعدين المشكلة الأصعب من هيك لما يكون الشوفير جاي جايب مرتو واولادو وما طب احنا ماخدينك معاك ذوي احتياجات خاصة اللي عندهم مشاكل توحد ليشوفوا حدى غريب بعيد عنك بتشلح كترتها وبتزتها من الشباك بدها تشلح اواعيها تدايق تشوف الوجوه خلص تقفل معها فكان هذا كتير صعب عليها لحديث ما رسينا على حل انو أبو صالح قال أنا يوديها وأنا يجيبها فترك شغلو ترك شغلو عشان يودي منار يعني كرس وقتو وحياتو إنو هو يودي منار ويجيب منار فما بلحق يوديها ويرجع يسدد أمور الحياة فواتير شغلالات إلا هو بدو يجيبها فخلص تكفل إنو هو يوديها أنا كنت اواجه كتير صعوبات